

ЎЗБЕК ХАЛҚ ДОСТОНЛАРИ ТИЛИГА ХОСЛАНГАН ФРАЗЕОЛОГИК МАДАНИЙ БИРЛИКЛАР ЛИНГВОПОЭТИКАСИ

**Доцент Б.Файзуллаев ЖДПИ,
Катта ўқитувчи Д.Файзуллаев ЖДПИ,
Таджибаева Б. б-мактаб ўқитувчиси**

Аннотация

Ушбу мақолада халқ достонлари тилига хосланган фразеологик маданий бирликлар тўғрисида маълумот берилган.

Калит сўзлар: фразеологик, бирлик, тил, достон, Холдорхон, Алпомиш, Жуманбулбул.

Аннотации

В данной статье представлены сведения о фразеологических и культурных единицах, характеризующих язык народных сказок.

Ключевые слова: фразеологизм, единство, язык, эпос, Холдорхон, Алпомиш, Джуманбулбул.

Annotation

This article provides information on the phraseological and cultural units that characterize the language of folk tales.

Keywords: phraseological, unity, language, epic, Kholdorkhon, Alpomish, Jumanbulbul.

Ўзбек халқ оғзаки ижоди асарлари тили ўзининг луғат бойлигининг бепоёнлиги билан бошқа жанрлардаги асарлардан кескин фарқланиб туради. Чунки халқ достонлари учун тилда таъкиқланган ҳодиса мавжуд эмас. Шундай экан, айниқса, халқ достонлари тилида аждодларимиз томонидан яратилган тил кўринишларини лингвистик таҳлилга тортиш маълум хуносалар чиқаришга имкон яратиши мумкин.

Биз ушбу ишимизда Эргаш Жуманбулбул ижодига мансуб бўлган “Холдорхон” достони тилига хосланган фразеологик маданий бирликлар юзасидан баъзи мулоҳазаларимизни билдиримоқчимиз.

Достон тилида учрайдиган фразеологик бирликлар семантик-стилистик табиатига кўра ранг-баранг бўлиб, улар достон тилига услубий хосланганлиги билан индивидуал хусусиятларга эгадир. Мазкур ишда уларнинг айрим лексик-семантиқ, фразеологик хусусиятлари юзасидан фикр юритишни мақсад қилдик.

Маълумки, ҳар қандай фраза тилимизда тайёр ҳолда учраши билан бошқа тил бирликларидан ўзига хос хусусиятлари билан фарқ қиласди. Демак, сўзларга хос хусусиятлар фразаларга, шунингдек, барча типдаги фразеологик бирликлар табиатига ҳам хосдир. Шунинг учун улар ҳам тил, ҳам нутқ ҳодисаси ҳисобланади. Мана шу каби хусусиятларни ўрганиш ҳам ўзбек фразеологиясида ўз тарихига эга. Ўзбек фразеологиясининг ўрганилишида Ш.Рахматуллаев, И.Қўчқортоев, Х.Дониёров, А.Шомақсудов, Э.Умаров, А.Маматов, Б.Йўлдошов каби қатор олимларимизнинг тадқиқотлари муҳим аҳамият касб этади. Фразеология тилшуносликнинг мустақил соҳаси сифатида тўлиқ шаклланди ва катта ютуқларга эришди. Ушбу тадқиқотларда фразеологик бирликларнинг таркиби, семантиқ, грамматик ва услубий хусусиятлари илмий тадқиқ қилинган.

Ўзбек тилшунослигига бадиий матн тилидаги фразеологик бирликлар юзасидан қатор ишлар қилинган. Жумладан, “Абдулла Қаҳҳорнинг фразеологик наваторлиги” (И.Қўчқортоев), “Ойдин прозасида фразеологизмлар” (М.Хусунов), “Абдулла Қодирий асарларида фразеологизмлар” (Х.Қаҳорова) каби қатор ишлар ҳам синхроник, ҳам диахроник планда амалга оширилган. Ўзбек халқ достонлари тилида учрайдиган FB лар табиатига кўра адабий тилдагидекми ёки улар ўзларига хос айро хусусиятларга эгами? Бу ҳақдаги илк фикрлар ўзбек лингвофолклористикасининг вакили Салоҳиддин Турсуновнинг “Алпомиш” достонининг лексик хусусиятлари” мавзусидаги (1990) номзодлик диссертациясида тилга олинган. Бизнинг кузатишларимизча бир неча ўзбек халқ достонлари тилида ёхуд бир баҳши куйлаган бир неча достонлардагини

учрайдиган, достонлар тилига хосланган Ўблар табиати, функцияси хусусида фикр юритиш мақсадга мувофиқдир.

Ўзбек халқ шоири Ҳ.Олимжон Фозил шоир қуйлаган “Алпомиш” достонини нашрга тайёрлар экан, ундаги луғавий ва фразеологик бирликларнинг ранго-ранг жилосидан ҳайратланиб, “Алпомиш”да бутун ўзбек тилининг тил бойлиги акс этган” дея тўғри башорат қилгани бежиз айтилмаган экан. Кузатишларимиз натижалари шуни кўрсатадики Фозил шоир, Ислом шоир, Пўлкан шоирлар репертуари достонларидағи фразеологизмларга нисбатан Эргаш Жуманбулбул ўғли қуйлаган достонлар тилида учрайдиган фразеологизмлар табиати, таркиби ва миқдори жиҳатидан бир-биридан тубдан фарқ қиласди. Бунинг объектив ва субъектив сабаблари бизнингча шундаки, Эргаш шоир мадраса кўрган, саводхон шоир эди. шу билан барча 5-6 достонни ўз қўли билан фолклористиканинг жонкуяр асосчиларидан бири Ходи Зарифнинг илтимосига кўра ёзиб топширганидадир. Демак, у ёки бу достон лингвистик аспектда текширилганда, ким? қачон? қа қай даражада? қуйланганлиги ҳамда ёзиб олинганлигини ҳисобга олиш ўринлидир. Акс ҳолда тадқиқот саёз ва бир томонлама тавсифланган бўлади.

Биз тадқиқот обьекти сифатида ўрганилган “Алпомиш” достони тилидаги имумистъемолдаги фразеологизмлар сменатик хусусиятларига кўра инсон ҳаётининг турли жабҳаларига таалуқлидир. Улар асосан, инсон психологияси билан боғлик жараёнларни жозибали ва таъсирчан ифодалаш учун хизмат қиласди: достон тилидаги пресонажларнинг хурсандчилиги, қайғу, азоб-уқубати каби хусусиятларни ифодалашда ўринли қўлланган. Қуйидаги мисолларга эътибор қаратсак: “Бейлар иккови шоҳимардон пирнинг равзасига қараб жўнамоқчи бўлиб минди бедов отти, уч кун тинмай йўл тортти (A.6). Бу сўзни эшитиб, бийларнинг жуда вакти хуш бўлиб, тилаганимиз қабул бўлди деб, кўнгли тўлиб, минди бедов отти (A.7). Иккови айтди: “бизлар ҳам бир шоҳлик шавкатини қилсак, овга чиқиб кетсак,

фарзандлар ер юзига келса...”, - деб бу ўйларни ўйлаб овга жўнаб кетди (A.13).

Юқоридаги мисоллардан ҳам кўринадики, достончиларимиз умумистеъмолдаги фразеологизмлардан ўринли ва оқилона фойдаланган, чунки улар ҳар бир сўз ва таъбирни, мақол ва матални яхши билганлар. Ўзбек халқ достонларининг бадиий тилида наинки умумхалқ учун тушунарли Ўблар, балки оддий, жонли сўзлашув тилига, фақат муайян худудларгагина хос бўлган диалектал¹ Фблар ҳам анчагина. Ушбу ҳолат баҳшининг яшаш жойи, у оид бўлган шева хусусиятларидан келиб чиққандир.

Ўзбек халқ достонларида диалектал фразеологизмлар.

Анъанавий ўзбек халқ достонларида ўзбек халқининг асрий турмуш шароитига мос ва хос Ўблар ўз ифодасини топган. Сўзга чечан халқ баҳшилари авлоддан-авлодга мерос қолдирилган достонларни ўз меҳнати, шижаоти ва шуури билан шода марвариддек эъзозлаб безатганлар. Бу эса достонлар тилининг қайта-қайта ишланишига, силлиқлашига ёрдам берган, албатта. Кузатишларимиз натижаси шуни кўрсатади-ки, ҳар бир баҳшилик мактаби вакилларининг достон куйлаш усули ва анъаналари бўлган.

Ўзбек халқ шоири Ҳамид Олимжон Фозил шоир куйлаган “Алпомиш” достонини нашрга тайёрлар экан, ундаги луғавий ва фразеологик бирликларнинг ранго-ранг жилосига ҳайратланиб “Алпомиш”да бутун ўзбек тилининг тил бойлиги акс этган” деб ёзгани бежиз эмас эди. Кузатишларимиз шуни кўрсатади-ки. Фозил шоир, ислом шоир, Пўлкан шоирлар репертуаридаги достонлар тилидаги фразеологизмларга нисбатан Эргаш Жуманбулбул ўғли куйлаган достонлар тилида учрайдиган фразеологизмлар табиати, таркиби ва миқдори жиҳатидан бир-биридан (тубдан) фарқ қиласи. Бунинг объектив ва субъектив сабабларидан бири шундаки, Эргаш шоир, мадраса кўрган, соводхон шоир бўлган. Шу сабабли 5-6 достонни ўз қўли

¹ Маълум бир шеваларга хос фраземалар.

билин фольклористикамизнинг жонкуяр асосчиларидан бири проф.Ходи Зарифнинг илтимосига кўра қўллэзма ҳолида ёзиб топширганидадир. Демак, у ёки бу достон лингвистик аспектда ўрганилганда, ким? Қачон? Ким томонидан? Қай даражада? Куйлангани ва ёзиб олингани муҳим аҳамият касб этади.

Биз тадқиқот обьекти қилиб олган “Алпомиш” достони тилида қўлланилган, достонлар тилига хос фразеологик бирликлар юзасидан фикр юритамиз. Улар, асосан, инсон психологияси билан боғлиқ жараёнларни жозибали ва таъсирчан ифодалаш учун хизмат қилган. Қуйидаги мисолларга эътибор қаратсак:

1).Бейлар иккови Шоҳимардон пирнинг равзасига қараб жўнамоқчи бўлиб минди бедов отти, уч кун тинмай йўл тортди (А.6-бет). 2) Бор, ундаи бўлса биз ҳам дунёнинг баҳридан ўтдик, -деп таппа тушиб, равзада турватнинг остида ётди (А.6). Бу сўзни эшишиб, бийларнинг жуда вакти хуш бўлиб, “тилагимиз қабул бўлди”, деб қўнгли тўлиб, минди бедов отти (А.7-бет).

Мисоллардан кўринадики, баҳшиларимиз умумистеъмолдаги фразеологизмлардан оқилона ва ўринли фойдалана олганлар, чунки улар ҳар бир сўз ва таъбирни, мақол ва матал мазмунини яхши билганлар.

Ўзбек халқ достонларининг бадиий тилида наинки умумхалқ учун тушунарли ФБлар, балки оддий, жонли сўзлашув, фақат муайян худудгагина хос бўлган диалектал ФБлар ҳам анчагина. Биз қуйида шундай диалектал ФБлар тўғрисида тўхталиб ўтмоқчимиз.

Халқ достонлари тилида учрайдиган диалектал фразеологик бирликлар (ФБ) семантик жиҳатдан ранго-ранг бўлиб асосан тубандагилардир.

I.Халқона урф-одатлар билан боғлиқ ФБ:

-бешкирти қилмок// бешикка киритмок/ солмоқ, яъни ўзганинг боласини бешикка киритишдан мақсад, уларнинг келажак турмушлари ҳам бирга бўлсин деган умидни ифодалашдир: Ана шунда Ҳакимбекка аташтириб, бешкерти қип... (8-бет).

-ника(ҳ) қиймоқ (ўқимоқ): мулланинг ва икки вакилнинг иштирокида никоҳ маросимиини ўтказиш. –Домла вакиллардан сўраб, буларнинг ҳам гувоҳлигида бир нима оп, мулла хутбасини ўқиб ника(ҳ) қийип, муллаларнинг сўраган сўзларини вакиллари ҳам қабул қип айтти(160-бет).

-боши бўш (турмушга чиқмаган): ўрами ўрамоқ (белгилаб қўйиш мақсадида рўмол ўратиш тадбири): Қозонда қайнаган ширбоз гўшмиди, шу кизингди агар боши бўшмиди? Келин қип ўрама ўрайин (37-бет).

II. Ҳайвонларнинг турли хил характер ва ҳатти-ҳаракатлари билан боғлиқ ФБлар: тулкини ингатган тозидай (чаққон): Бойбичаларга шундай тўлғоқ вақти жоқин жетти, не кампирлар келиб, байбичани айланиб, тулкини инглатган тозидай бўп, ангип, ўртага оп турипти (7-бет). Бедовлар селданг отти, Чиув-ҳа, деди, қамчи тортти (63-бет). Остидаги бедов отлар, кун-бакун бўйин узатти (63-бет).

III. Инсон ҳаётининг турли томонларига алоқадор бўлган ФБлар. – татил қи(л)моқ (нонушта қилмоқ). –Бу алплар, ... ҳар қунига тўқсон ширбознинг этини таътил қи(л)ғон (31-бет). Бировнинг кўнглини наза қилмоқ (ҳафа қилмоқ): -Мен биламан Бойсаринин қизисан, Қимиз бермай кўнглим наза қиласан (47-бет).

IV. Ўзбек халқ достонлари тилига услубий хосланган фразеологик бирликлар.

Хозирги кунга қадар ўзбек тилшунослигида, қолаверса, ўзбек иборашунослигида, фольклор асарлари, аниқроғи, муайян фольклор жанрлари тилига хос фразеологизмлар алоҳида илмий обект ёки монографик планда кам ўрганилган. Ўзбек тилшунослигида айрим мезонлари ҳақида баъзи фикрлар (С.турсунов, Г.Жуманазарова) билдирилган. Масалан, халқимиз орасида кенг тарқалган “Дўст йифлатиб гапирав, душман кулдириб” мақоли фонида баҳишиларимиз асрлар оша уларга ижодий ёндашган ҳолда куйидаги афористик сатрларни яратганки, натижада афористик сатрлар халқ достонлари тилига мослашиб, типиклашиб кетган: Қасд айласа, билмаганин билдирав,

Дўст йифлатиб душманини кулдирап (71-бет).

Бу гурухга мансуб ФБлар бевосита сўзга чечан халқ бахшилари томонидан яратилган бўлиб, авторлари ноъмалум, коллектив ижод маҳсули ҳисобланмиш фразеологик бирликлардир. Бундай типдаги ФБларни ўзбек халқ мақоллариға таққослаганимизда, уларнинг фарқи ва ўхшаш томонлари импровизатсион даражасини ҳам аниқлаш мумкин бўлади. Қуйидаги қиёсий жадвалга эътибор қаратсак.

№	Ўзбек халқ мақоллари тилига хос	Ўзбек халқ достонлари тилига хос
1.	Күш бутоққа сифинар, Одам ватанга	Күш бутоққа сифиндай бўп
2.	Дўст ачитиб гапирап, Душман кулдириб	Дўст йифлатиб, душманини кулдирап
3.	Бўзчи билганин тўқир, Бахши билганин ўқир. Ёки: Бўзчи билганин тўқир, Мулла билганин ўқир	Усталар ишлатар теша-табарни, Муллалар ўқийди зеру-забарди
4.	Чечаннинг тили Чеварнинг қўли	Чечанлар эплайди гапнинг этини
5.	Ажал етмай чивин ўлмас	Беамир чиқмайди чивиннинг жони
6.	Сабр таги сариқ олтин	Бесабрдан давлат қочар, сабр давлат эшигин очар

Ўзбек халқ достонлари тилига хосланган фразеологик бирликлар асосан қуйидаги тематик гурухларни ўз ичига олади: қаҳрамонлик, ватанпарварлик, сахийлик ва баҳиллик, касб ва моҳирлик, мардлик ва дўстлик, сабаб ва оқибат, хушёрлик ва зийраклик, тенглик ва нотенглик каби. Ушбу қатлам бирликлари алоҳида ўрганилади.